

ATTAVITSOQ INATSISARTUNI

UKA2023/23

03-10-2023

Knud Mathiasen

Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisissaannut siunnersuut (Umiarsuarni takornarianik angallassisuni ilaasut akileraarutaannik atuutilersitseqqinneq)

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Umiarsualivimmiinnermut akileraarutit pillugit Inatsisartut inatsisaata allanngortinneqarnissaanut siunnersuut imannak oqaaseqarfigissavara:

Soorlu suliap saqqummiunneqarnerani oqaatigineqartoq; Umiarsuarni takornariartaatini ilaasunut akileraarutit atuutilersitseqqinnissaa pillugu 2023-mut aningaasanut inatsisip isumaqatigiissutiginerani inatsisartuni partiit qujanartumik isumaqatigiillutik umiarsualivinnik iluarsaassinerit aningaasaliiffiginerinut atugassanik umiarsuarni takornarianik angallassisuni ilaasut akileraarutaannik atuutilersitseqqinnermut siunnersuut suliarineqassasoq.

Tamannalumi aamma uanga tamakkiisumik taperserpara, kisianni aamma soorlu 2024-imut aningaasanut inatsisissatut siunnersuummi oqaaseqaateqarninni ilaatigut imatut siunnersuuteqartunga.

Umiarsuit takornariartaatit amerlingaluttuinnartillugit aamma tamakku aalisartunut piniartunullu akornutaalerput, pingaartumik aamma piniagassat naliginnaasumik ingerlaartarnerinut sunniuteqapilussinnaallutik, taamaattumik piumasaqaataasariaqarpoq.

1. Umiarsuit nunatsinnut tikittut tamarmik sinerissap qanittuanut appakaatinnginnerminni Nunat tamalaat imartaanni motorimut orsussamik mingutitsinnginnerusumik atuisalernissaannik piumasaqaat malittariaqaraat, soorlu tamanna danskit umiarsualiviini atuutsinneqalereersimasoq,
2. Umiarsuit takornariartaatit nunatta imartaani angalanerminni tamatigut ilisimasortanik nunatsinneersunik atuisalernissaat inatsisitingut piumasaqaataasariaqartoq.

ATTAVIITSOQ

INATSISARTUNI

3. Umiarsuit takornariartaatit illoqarfinnut nunaqarfinnullu tikinnerit tamaasa umiarsualivissinninnermi, kisaqqangunik kisaqqanngikkaluarunilluunniit avatangiisit illersorneqarnissaannut akiliuteqartinneqartassasut kommuni tikiffiusup karsianut nakkartussamik,
4. Takornariat umiarsuarmut ilaasut tamarmik minnerpaamik 50 kr-mik avatangiisinut akitsuummik akiliisinneqartalissasut.
5. Umiarsuit takornariartaatit aammalu tingerlaataannallit inatsisitigut piunaffigineqarnerulerlutillu nakkutigineqarnerulernissaat piunasaqaataasariaqartoq.

11. semtember 2023 takoreerparput umiarsuaq takornariartaat tunup avannaani ikkarlittoq, qujanartumik paasisat malillugit annerusumik ilaasunik ajoquserfiunngitsumik aamma paasereerparput takornariarpassuit peqqinnissaqarfimmut artorsareeqisumut aningaasartuuteqarfiulereersut.

Aamma tamatuma kinguninngua umiarsuaq alla tunup imataani ikiorneqartariaqalersimasoq ikiorserneqarpoq.

Ajutoornerit avatangiisinullu mingutitsinerit killilersimaarneqassappata aamma takornariat aningaasartuutaannaassanngippata inatsisitigut piunasaqarneq nakkutilliiluarnerlu saneqqunneqarsinnaanngillat.

Aamma isumaqarpunga takornariat tamarmik nunatsinni unnuiffigisaminnut avatangiisinut minnerpaamik 50.- kr-inik inummut ataatsimut unnuinermut ataatsimut kommuniut akiliuteqaretariaqartut, tamanna nunani allani naliginnaasuvoq.

Siuliani piunasaqaatit taagukkama saniatigut isumaqarluinnarpunga umiarsuarnut takornariartaatinut akitsuut 1. Januar 2009-imi atuutsinneqarsimangaluartut 525,- kr-it umiarsuarnut tamanut atuutsinneqartariaqartoq (tassa ilaasumut ataatsimut).

Nalunngilarput umiarsuit takornariartaatit tamarmik illoqarfiit ilaannut nunarfinnulluunniit talissinnaanngitsut, taamaakkaluartoq umiarsualiviit qanittuinut kisarlutik ilaanni ullut arlariit uninngasartut motori avatangiisinut mingutitsisorujussuaq ingerliinnarlugu, taamaattumik umiarsuit taamaattut illoqarfiup nunaqarfiulluunniit eqqaani kisaqqallutik uninnganerminni umiarsualivimmiinnertuulli akiliuteqartariaqartut piunasaqaataasariaqartoq isumaqarpunga.

ATTAVIITSOQ INATSISARTUNI

Kiisalu piumasqaatinut ilannguttariaqarpoq; nunatsinni takornariaqarnermik suliaqartut atorluarneqarnerusariaqartut, tassami takusarparput takornariarpassuit nunani allaneersunik takornariartitsisulerlutik angallanneqartut, immaqa amerlanertigut inunnik nunatsinnut annerusumik paasisimasaqanngitsunik oqaluttuunneqartarlutik. Tamanna nunatta tusaamaneqarneranut nittassaanneqarneranullu kusanangilaq.

Neriuutingaara takornarianut akiliuteqartitsinerulernermik suliniuteqarnissat kommuninut allaffissornerulernermik kinguneqassanngitsoq.

Taamatut oqaaseqarlunga siunnersuutip aappassaanneeraneqannginnerani Aningaasaqarnermut Akileraartarnermullu ataatsimiititaliami suliarineqassasoq inassutingaara.